

ქალაქ ფოთის მუნიციპალიტეტის გენდერული თანასწორობის საბჭოს სხდომის

ოქმი №3

ქალაქი ფოთი

1 დეკემბერი 2023 წელი

სხდომას თავმჯდომარეობდა:

ქალაქ ფოთის მუნიციპალიტეტის საკრებულოს თავმჯდომარის პირველი მოადგილე, გენდერული თანასწორობის საბჭოს თავმჯდომარე მანია დოლბაია

ესწრებოდნენ ქალაქ ფოთის მუნიციპალიტეტის გენდერული თანასწორობის საბჭოს წევრები:

მანია დოლბაია, ნანა ვეკუა, ნანა საბულუა, თამარ თოფურია, მალხაზ ფოჩხუა; ლელა ჩიჩუა, თეონა ახალაია, ეკატერინე ფაჩულია, გვანცა გვამაბია; მანანა ქოიავა, ქეთევან ლორია, შორენა წაბრია, ნონა სილაგავა; ეკატერინე ტულუში, სოფო როდონაია, ნონა ხუხია, მანია მაკალათია, ხათუნა შამათავა, ინგა გვასალია.

ქალაქ ფოთის მუნიციპალიტეტის გენდერული თანასწორობის საბჭოს 2023 წლის მესამე სხდომაზე განსახილველ საკითხთა ნუსხა:

1. ქალაქ ფოთში ოჯახში ძალადობს კუთხით არსებული მდგომარეობის შესახებ 2023 წლის ინფორმაცია
/მომხსენებელი: შსს სამეგრელო-ზემო სვანეთის პოლიციის დეპარტამენტის ქ. ფოთის საქალაქო სამმართველოს უფროსი დეტექტივი, პოლიციის მაიორი - ჯამბულ ინჯგია /
2. პრევენცია - აივ-შიდსის საუკეთესო წამალი
/მომხსენებელი: ქ. ფოთის მოსახლეობაში არაგადამდები დაავადების და სისხლის გზით გადამდები დაავადებების B, C ჰეპატიტების, აივ ინფექცია/შიდსის გამომწვევი რის-ფაქტორებისა და გადაცემის გზების პროფილაქტიკის პროგრამის ხელმძღვანელი - ეპიდემიოლოგი - მაყვალა გაბუნია/

გენდერული თანასწორობის საბჭოს თავმჯდომარემ მანია დოლბაიამ საბჭოს წევრებს გააცნო დღის წესრიგით გათვალისწინებული საკითხები.

ქალაქ ფოთის მუნიციპალიტეტის გენდერული თანასწორობის საბჭო უერთდება 16 დღიან კამპანიას გენდერული ძალადობის წინააღმდეგ.

ქალთა მიმართ ძალადობა და ოჯახში ძალადობა გენდერული უთანასწორობის გამოვლინება და ადამიანის უფლებების ერთ-ერთი გავრცელებული დარღვევაა.

კამპანიის ფარგლებში შიდსთან ბრძოლის მსოფლიო დღესთან დაკავშირებით, დღეს პირველ დეკემბერს გენდერული თანასწორობის საბჭოს მორიგი სხდომა გაიმართა,

რომელსაც საკრებულოს თავმჯდომარის პირველი მოადგილე, გენდერული თანასწორობის საბჭოს თავმჯდომარე მარია დოლბაია უძღვებოდა.

შეხვედრაზე, რომელსაც ქალთა საბჭოს წევრები, დარგის სპეციალისტები და კამპანიაში ჩართული პირები ესწრებოდნენ აღინიშნა, რომ კვლავ გამოწვევად რჩება დაავადების ადრეულ ეტაპზე გამოვლენა. ასევე ცნობილი გახდა, რომ პირველადი დახმარების ცენტრებში ც ჰეპატიტთან ერთად, აივ/შიდსის ანალიზების გაკეთებაც არის შესაძლებელი.

მსოფლიო შიდსის დღე პირველად 1988 წლის 1 დეკემბერს აღინიშნა. იგი მიზნად ისახავდა აივ ინფექციის წინააღმდეგ ბრძოლაში მსოფლიოს გაერთიანებას, ინფექციით დაავადებული ადამიანების მხარდაჭერასა და მის შედეგად დაღუპული ადამიანების ხსოვნის პატივისცემას.

გენდერული თანასწორობის საბჭოზე ასევე მოისმინეს ქალაქ ფოთში ოჯახში ძალადობის კუთხით არსებული მდგომარეობის შესახებ 2023 წლის ინფორმაცია.

როგორც გენდერული თანასწორობის საბჭოს თავმჯდომარემ აღნიშნა_ მუნიციპალიტეტი აცნობიერებს საკუთარ როლს, ძალადობის წინააღმდეგ ბრძოლასა და თანასწორი, მტრული გარემოსგან დაცლილი გარემოს შექმნაში. მიუხედავად ბოლო წლების განმავლობაში, როგორც საქართველოს ხელისუფლების, ისე არასამთავრობო და საერთაშორისო ორგანიზაციების ძალისხმევით მიღწეული პროგრესისა, პრობლემის მასშტაბის და საფუძვლების გათვალისწინებით, სამუშაო ჯერ კიდევ ბევრი გვაქვს. ქალთა მიმართ ძალადობის და ოჯახში ძალადობის წინააღმდეგ ბრძოლა ჩვენი მუნიციპალიტეტის პრიორიტეტია. მუნიციპალიტეტი მხარს უჭერს ქალთა მიმართ ძალადობის და ოჯახში ძალადობის მსხვერპლებს. ქალთა მიმართ ძალადობის და ოჯახში ძალადობის დაძლევა საერთო საქმე და საერთოპასუხისმგებლობაა. მნიშვნელოვანია, საზოგადოების თითოეულმა წევრმა გავაცნობიეროთ, რომ თვალის დახუჭვა, გულგრილობა, გვერდზე გადგომა დაუშვებელია, და რომ თითოეული ადამიანის ერთი ზარი შესაძლოა გადამწყვეტი აღმოჩნდეს სხვა ადამიანის სიცოცხლის და ჯანმრთელობის დასაცავად.

ქალაქ ფოთის მუნიციპალიტეტის
საკრებულოს თავმჯდომარის პირველი
მოადგილე, გენდერული თანასწორობის
საბჭოს თავმჯდომარე
მარია დოლბაია

გენდერული საბჭოს მდივანი
ეკატერინე ფაჩულია